



Arubaanse Courant

ANJA 25

DIASABRA 15 FEBRUARI 1964

No. 4965

Camara di comercio preocupa tocante conflicto Lago-IOWUA

ORANJESTAD, 15 Feb. - Diahuebes anochi Camara di Comercio di Aruba durante oranan largo a reuni y a delibera tocante di e conflicto actual entre Lago y Independent Oil Workers Union of Aruba, union di e trahadornan di Lago. E camara cu ta mira e desaroyo di e situacion na e momento como un amenaza serio pa e paz di trabao ariba e isla aki y un amenaza pa e desaroyo industrial, a delibera seriamente tocante di pasonan cu Camara por tuma pa asina trece e dos partidanan mas serca otro di cual manera e pelige grandi cual ta existiendo na e momento por worde elimina.

Manera ta conoci e deliberacionan entre Lago y Union cual algun siman pasa atranca, ora cu a resulta cu Lago no ta di acuerdo pa accepta e deseo di e Union pa durante di e periodo di deliberacion stop cu e lay-off di e empleadonan di Lago. Lago a defende su motibo pa esaki door di bisa cu mantencion di un stopmento di e lay-off no ta favorable pa e economia di e empresa, mientras cu a worde bisa aserca cu no ta conoci cuanto tempo e deliberacionan por continua. Ora cu Lago a keda mantene e punto di bista aki e directiva di I.O.W.U.A. a dicidi di busca afiliacion internacional. Ariba esaki e presidente di Lago a bolbe reacciona cu un publicacion di un carta na e empleadonan di Lago den tur courrant, den cual carta e ta haci un replica na nan pa mantene nan Union independiente.

Tumando e situacion critico aki na cuenta, e directiva di Camara di Comercio a dicidi di haci un peticion na tur dos partida pa tene un deliberacion cu un delegacion di e Camara. Entretanto tur dos partida a worde aserca y segun nos a worde informaparse cu Lago y I.O.W.U.A. en principio ta muestra sympatia pa e esfuerzo di Camara pa trece e dos partidanan mas serca otro.

Entretanto ayera Union a contesta senyor Murray pa medio di un pamfleta. Den esaki e directiva di e Union ta muestra cu sudeseo ta cu e empleadonan di Lago, keda empleadonan di Lago sin e amenaza di lay-off. Den e pamfleta ta worde memora con senyor Murray a bisa cu e empleadonan tin di dicidi pa nan mes tocante di e afiliacion internacional. Siguiendo mas aleuw ariba esaki Union ta bisa cu enberdad e empleadonan tin di dicidi pa nan mes y

nan no mester laga nan mes worde influencia door di ideanan fol moda di Lago, cual ideanan no ta pertenece den e tempo moderno aki. Den su carta na e empleadonan parse senyor Murray a bisa tambe, cu ningun empleado lo tin Job Security mas, si Union hanja loke e ta desea en cuestion cu afiliacion internacional. E a cuestion cu esaki Union ta contesta bisando cu basta tempo pasa caba senyor Murray mes a bisa den un Management Information Session cu bao di e situacion actual y desaroyo ariba mercado internacional di azeta ningun hen-

de tin seguridad di su trabao. "Hasta mi mes no tin esaki", con tanto e empleadonan por perde algo cu ya nan no tin mas segun e directiva di I.O.W.U.A. den su pamfleta. Pesey nos no mester keda isola.

FATUM Tel. 1845
pa tur bo aseguronan

"Mr. Murray time has changed and so have the Lago employees, therefore we should not remain isolated". E union ta termina bisando cu afiliacion internacional di e Union ta duna esaki e posibilidad di hanja mas experiencia y mihor yudanza den deliberacion tocante di combenio colectivo di trabao y pa defende e derecho di e empleadonan. Petroleum Workers Federation of Curacao, P.W.F.C., na Corsow ya desde di 1965 tin afiliacion internacional y asina leuw cu nos sabi te ainda no a pasa nada cu e economia di Corsow. Ta worde anuncia cu na promer lugar I.O.W.U.A. kier a filia cu Internacional Federation of Petroleum and Chemical Workers, I.F.P.C.W. Despues por sigul confederacion Latino Americano, di Sindicatos Cristianos.

En relacion cu e mencionado aki riba un vocero di Lago a informanos cu e directiva di e compania ta na haltura di e planan di Camara di Comercio y cu gustonan ta di acuerdo pa tene un deliberacion cu e Camara y informa e delegacion tocante di e punto di bista y e posicion di Lago. En cuestion cu e contesta di I.O.W.U.A. ariba e carta di senyor Murray, e vocero di Lago a bisa cu esaki, esta e contesta no ta contene nada nobo: "Nan ta bisa cu afiliacion lo ta bon pa nan, y nos ta bisa cu esaki no ta asina." Si nan bisa cu P.W.F.C. tambe ta filia internacional y cu e no a haci nada cu no ta bon pa Corsow, anto esaki ta algo general cu ta laga e punto principal mescos, esta cu P.W.F.C. apesar di afiliacion internacional tampoco no a logra para e lay-off na Shell, esakinan a continua keto bal, si P.W.F.C. tabata kier of no. "Alavez segun observadornan na Aruba e telegramanan di Organizacion Venezolano cu a worde manda pa gezaghebber di Arubayawor si e telegramanan for di Venezuela pa gezaghebber y e directornan di Lago worde studia, por constata den esakinan cu abiertamente a-



Esaki ta e mama di Lee Harvey Oswald cu a worde mata pa Jack Ruby y kende nan ta sospecha di a asesina difunto president Kennedy aña pasa. Tambe e señora aki a sali dilanti di e comision Warren cu ta encarga cu e investigacion. El a declara cu su yiu tabata traha pa F.B.I. y cu nan a forze pa tuma e culpa di e morto riba dje.

LEY NOBO NA MEXICO

CUIDAD DE MEJICO, 15 Feb. - E president Mejicano, Adolfo Lopez Mateo a anuncia, cu aki algun luna 80 por ciento dje empresanan particular na Mejico lo laga nan personal participa den e ganashi, y wel den e forma cu por lo menos 20 por ciento di henter e ganashi lo worde parti entre e personal. Tantu empresanan exclusivamente Mejicano como esnan di e stranheria ta obligadi haci esaki. Segun calculo mas o menos 4 millon obrero lo hanja probecho dje areglo aki.

menazanan ta worde haci y door di tal manera constata cu Lago tin razon pa bisa cu afiliacion internacional ta malo pa Aruba. E telegramanan no ta duna e impresion, cu e Unionan Internacional kier yuda desaroya e paz di traha na Aruba. E mes un observadornan ta muestra ariba mes amenazanan den e cuestion aki cu anteriormente a worde haci door di personanan den sindicato na Venezuela, esta cu si ta necesario nan lo para e entrega di azeta pa Aruba si Lago no duna I.O.W.U.A. loke e ta desea.

THE FILTER CIGARETTE
WITH RICH TOBACCO
FLAVOR



For Your Satisfaction

SPAAR E PARHANAN DI ARUBA, NO MATANAN!



Noticia di polis

Oranjestad, 15 Febr.
Diahuebes atardi asistencia di polis a worde pidi pa tres mucha homber kendenan probablemente tabatin masha gana di come mispel, pero a subi den palo di mispel di otro hende den Wilhelmstraat. Tur tres e mucha hombernan a worde deteni y hiba warda caminda despues di a hanja un scual severo a worde manda cas.

Diahuebes polis a prtí en total 30 proces verbal, di cual 23 a bai pa personanan cu a surpasa velocidad maximo ariba caminda publico.

En cooperacion cu recherche di Corsow a keda deteni e dama P. H. kende a trata di hui via Corsow pa Santo Domingo. E dama aki di cuarenta anja di edad tabatin clerto articulonan den su poder cual ta di otro hende. E dama a worde carcela mientras cu recherche ta sigui investigando e caso.

Diahuebes anochi tres keho di ladronicia a worde duna na recherche. Mas o menos un total

di 250 dollar a worde horta na San Nicolas. En coneccion cu esaki e hoben L. di binti anja a worde deteni sospecha di a comete e ladronicianan aki. El a worde carcela mientras e investigacion ta continua.

Dos hoben di respectivamente 17 y 19 anja kendenan ta drenta un Laundry na Oranjestad cu e intencion di horta, a worde deteni mientras nan tabata na "trabao". Tur dos a worde carcela mientras investigacion ta continua.

Un anja di prison pa matamentu

Oranjesad, 14 Febr. - E dama cual na cuminsamento di e anja aki a herida su esposo di tal forma cu un hacha cu esaki a muri a consecuencia di e corta na su garganta, ultimamente a worde castiga pa un anja di prison.

Fidel Castro (robez) por ser mira aki riba un conferencia di prensa cu a tuma lugar na Havana. Riba e conferencia di prensa, un piscador for di California, Merca, a declara con el a horta un boto pa pesca y hibe Cuba pa hasi algu contra e detension di e cuater piscadornan Cubano cu a worde deteni pa Merca. Castro a dicidi sin embargo cu e boto mester worde debilbe na Merca.

E piscadornan Cubano cu a worde deteni pa guarda costa Mericano aki ta na caminda pa corte di husticia pa wor-

NOTICIA

La Esperanza kier anuncia na tur shareholdernan cu „La Esperanza,, lo tene su reunion di accionistas diadomingo awor 16 di Februari pa 10 or di mainta den e edificio di Sociedad Bolivariana na Playa.

La Esperanza ta spera tur su accionistanan bin tende y bin weyta e resultado di nan tienda pa anja 1963.

E Directiva.

T A B E N D E

Un piano den bon estado, mescos cu nobo.

Pa inf: Pasa na Panamastraat 2, entre 6 1/2-9- or di anochi.

TE HUUR

Cas muebla cu tres dormitorio situa na Oranjestad den bunita becindario.

Desde 1 maart te 1 september.

Pa Inf. Tel: 3370

de interroga. Merca entretantu a anuncia cu mayoria di nan lo worde manda Cuba back.

Cumpra bo tairanan

Continental

awor y laga nos monta nan

GRATIS pa bo.

Tur tamanjo na existencia.

E. & G. MARTIJN
(ARUBA) N.V.

Havenstraat 10-12
tel. 1429 - 1493

TA BUSCA PA HUUR

UN CAS (no-meublá) cu tres dormitorios den vecindario di Oranjestad-Noord of Sta. Cruz Prijs di huur max. f. 150,--

Pa inf: Jama tel. 1116/2116

E Cas Di Bo Sonjo na prijsnan practico



cu materialnan di construccion di calidad y na prijs atractiva, esey ta solamente na

PETRONA & CROES

Foot Itch Healed In 3 Days

Do your feet itch, smart and burn so badly that they nearly drive you crazy? Does the skin crack, peel or bleed? The real cause of these skin troubles is a germ that has spread throughout the world, and is called various names such as Athlete's Foot, Singapore Itch, Dhoby Itch. You can get rid of the trouble until you remove the germ cause. A new discovery, called Nixoderm, stops the itching in 7 minutes, kills the germ in 24 hours and starts healing the skin soft, smooth and clear in 3 days. Nixoderm is so successful it is guaranteed to end the itch and heal the skin not only on the feet but the most stubborn cases of Eczema, Pimples, Acne, Boils, and Ringworm of face or body or money back on return of empty carton. Ask your chemist for Nixoderm today. The guaranteed protect

Nixoderm
For Skin Troubles you.



Proposicion Mericano pa desarme

GINEBRA, 15 febr. - Merca y Rusia segun un proposicion Mericano - meste obliga nan mes pa stop produccion di material rendible pa finesnan di desarme y usa e material aki pa uso pacifico. Lider dje delegasion Mericano pe conferencia di desarme, William Foster, a haci e proposicion aki ne reunion di awe.

tonan militar ne mes un manera. Un suma di mas o menos 20 porciento obtene na limitasion di presupuestonan militar lo meste bai pa un fondo di paisnan di desarrollo.

E Ruso Tsarapkin a propone di pone e kestion di limitasion dje presupuesto militar como un prome punto riba agenda pa deliberasionnan tocante medida-nan mutuo.

E ehempel cu Merca y Rusia a duna te na cierto caminda ta favorabel, rebaho dje gastunan militar, segun el a bisa. E delegasion Ruso en relacion cu esaki a critica e presupues-to di Alemania Occidental, cu segun e, ta contene e porcen-taje di mas altu pa gastunan militar, despues djesun Merica-no.

Un bosero Mericano a declara despues dje reunion, cu Merca lo no continua e delibera-sionnan tocante Ruso ta contene actualmente.

- boom, hefe di servicio di desa-royo economico, W. van T'Sant hefe di servicio di accountant y N.A. pina Lampe, hefe di servicio informativo.

Despues di e ceremonio na be-stuurskantoor, un tour a tumalug-ar bao di gia di ir. Looman cu e doel pa laga e otronan mira e progreso di electrificacion di e distritonan di afor, despues di cual señornan Von Bauer Gauss y Looman a ofrece bestuurscollege y e otro cabal-leronan un lunch den Olde Mol-len.

En cuestion di e firmamento di e contract menciona aki riba awor e fabrica di electrici-dad di ELMAR na Balashi, cual a worde construi na aña 1950 lo worde saka for di servicio. Kiko lo worde haci cu e aparatonan cu tin den e fabrica aki no ta conoci ainda, muy probablemente nan lo worde tuma over den di otro fabricanan di OGEM. Por lo tanto e edifi-cionnan na Balashi lo keda den uso door di ELMAR como central y lugar di deposito y trabao.

Milano a derrota Real Madrid 2-0

MILANO, 15 Febr. - Aunque cu Real Madrid a sufri un der-rota di 2-0 contra Milano, tog e oncena spanjo a cologa su mes pa semifinalnan di e torneo pa copa Europa pa campeonnan nacional. Na sosiego e score ta-bata 1-0 pa Milano.

Den e promer partido, hunga na Madrid, e equipo Italiano, cu actualmente ta posee e copa, a sufri un derrota di 4-1 na man di Real Madrid.



It Never Varies

Sabor cu nunca ta Varia

N.V. WINKEL'S HANDEL-MAATSCHAPPIJ

ELMAR y gobierno a firma contract

ORANJESTAD, 15 febr. - Ayera-mainta gobierno di Aruba y ELMAR a firma un contract cu cual ELMAR ta contrata pa tuma e electricidad cu ta necesario pa distribucion ariba e isla for di gobierno mientras cu gobierno di su banda ta contrata pa entrega e corriente aki na ELMAR. E firmamento aki a tuma lugar door di gezaghebber interino I. S. De Cuba, na nomber di ter-ritorio insular di Aruba y door di senyor M. ir. F. Looman na nomber di ELMAR. Door di e contract aki esun di dia 25 di oktober 1956 ta caduca. Fuera di esnan cu a firma e contract abata presente tambe senyor M. H.M. Von Bauer Gauss Ing., sub-director di OGEM na Rot-terdam, señornan deputado G.A. Oduber y A. B. Falconi, secre-tario di territorio insular señor L.C.M. Kerstens, tambe señor-nan ir/ H. Ph Beck, ingeniero di empresa di e planta di elec-tricidad na Balashi, J. Elkelen-



CUMRA LIBBY'S

E salmao di LIBBY'S ta worde empagueta' pa conserva su sabor delicado y su smaak natural, delicioso cualkier ora di dia.

Salmao di LIBBY'S s por worde sirbi como salada, riba sandwich y na balchi.

N.V. Winkel's Handel Mij.




E PROPIEDADNAN DI TRUJILLO

SANTO DOMINGO, 15 Febr. - E tribunal di confiscacion di Republica Dominicana a confisca propiedadnan di 15 miembro di e famia di defunto Rafael Trujillo. Den e sentencia ta worde bisa cu cualkier apelacion contra dje lo ta nulo y di ningun balor. E tribunal a worde forma pa trece orden den e asuntonan di e famia Trujillo despues di e revo-lucion cu a sigui riba e asesinato na mei di anja 1961, riba Trujillo, e homber fuerte di Republica Dominicana for di anja 1960.

Premier Marijnen ta brinda na honor di e pareha real recién com-prometi Don Carlos y Prinses Irene y miem-bronan di famia real di Don Carlos.

BIBA MEHOR CU ELECTRICIDAD

for di mainta trempan te anochi laat REDDY ta na bo servicio.



Navobo (Corsow) ta boycotea weganan contra Sto. Domingo

(Di Nos Redactor Deportivo)

Varios siman pasa nos a anuncia cu pa e weekend aki lo a bin hunga na nos isla un equipo femenino di volleyball for di Sto. Domingo contra di equiponan local. Despues cu directiva di Aruba Volleball Association tin tur e preparacionnan en conexion cu e partidonan internacional aki cla, nan a ricibi un telegram di e Comité Olimpico di Sto. Domingo cu ta bisa cu nan no tin nada contra di e intercambio deportivo pa e weekend aki, pero cu Aruba Volleyball Association mester obtene permiso di N.A.C.O., esta e Comité Olimpico di Antillas Hulandes.

Directiva di A.V.A. a manda un cable pa N.A.O.C. solicitando e permiso aki, pero e contesta di N.A.O.C. no tabata un permiso sino cu A.V.A. mester acudi cerca di NAVOBO, e organizacion cu ta worde considera como e federacion di volleyball pa Antillas, pero cu ta consisti unicamente y puramente di clubnan y personahenan di un isla so, esta di Corsow.

Y NAVOBO, mustrando un biaha mas claramente cu nan ta unicamente interesa den e isla di Corsow, a nenga permiso na A.V.A. alegando cu e Resolucion di A.S.U. ta stroba di por extende un semehante permiso. Apesar di e contesta aki, directiva di A.V.A. e ora a manda pa e Comité Olimpico Dominicano bisando cu no tin mester di permiso di e N.A.O.C. manera nan ta pretende ya cu esakinan ta encuentronan amistoso y nada oficial.

Ariba e ultimo cable aki, A.V.A. a wor a hanja contesta for di Sto. Domingo cu nan no por bin y cu nan lo comunica despues cu A.V.A.

Tur esaki pues ta resulta cu durante e weekend aki lo no tin e weganan di volleyball entre Aruba y Sto. Domingo manera tabata planea.

Den un diario di Corsow di varios dia pasa, nos por a lesa cu un figura conoci den mando deportivo di Corsow tabata di bishita na Sto. Domingo y cu como resultado di e bishita lo tin diferente intercambionan deportivo cu Corsow. Y e intercambionan aki lo cumenza pronto.

Como cu algun luna pasa un equipo masculino di volleyball for di Sto. Domingo a bishita nos isla, hungando varios partido sin cu apresentera ningun clase di problema di permiso cu

Aki nos ta mira un grupo di sobrevivientenan di e tragedia maritima na Australia caminda e cazatorpedero "Voyager" a sink, despues di un choke riba laman cu e portaavion Melbourne.

mester worde obteni ni nada di e formalidadnan ey, nos ta haja un coincidencia enorme cu e biaha aki, net despues di e bishita e persona curazolenjo na Sto. Domingo, a surgi e problema di e banda ey. Biaha pasa cu e dominicanonan a bin hunga na nos isla te hasta cu un carta di comité olimpico dominicano nan a bin den cual nan viahe pa Aruba ta worde autoriza y den cual tambe nan ta alaba e iniciativa pa e intercambionan deportivo entre Aruba y Sto. Domingo.

Y awor, nos ta ripiti pa un coincidencia enorme, a surgi un problema net despues cu e curazolenjo a bai Sto. Do-

mingo. Cu un persona for di Corsow ta bai Sto. Domingo no ta stranjo, pero si ta stranjo ora cu e persona ey ta haci contactonan pa realisa intercambionan deportivo entre Sto. Domingo y Corsow y un intercambio entre Sto. Domingo y Aruba, cu ya tin basta tempo planea, ta worde cancela di parti do e dominicanonan. Y cu e cancelacion a bin despues cu nan ta exige pa permiso worde obteni di e Comité Olimpico di Antiyas, caminda no tin ni un solo voz cu lo lamta pa defende e interesnan di e deporte arubano.

Esaki lo ta un tactica nobo di parti di e dirigentenan deportivo di Corsow? Ta un pregunta cu inevitablemente ta surgi den nos mente despues di e asunto aki di volleyball cu Sto. Domingo.

Nos lo hanja cu aki poco dia mas dirigente di deporte di Corsow lo viaha por ehempel pa Puerto Rico, Colombia, y Venezuela y cu nan lo trata natsioa Aruba?????????????

Pensando tur esaki ta bin na promer plano atrobe a situacion deportivo den Antillas especialmente Aruba y Corsow.

Otro luna ta cumpli un anja cu a worde nombra dos mediador deportivo, kendenan a entrega poco tempo pasa un raport temporal di nan trabao na Ministro di Cultura. Un reaccion ariba e raport aki ni ariba e decision di reunion general di A.S.U. teni na luna di november 1963 expresando desconfianza den e media-

CENTRO ELECTORAL ARUBA

Presidente di Oficina Central Electoral di Centro Electoral Aruba ta participá cu e resolucian den cual Sr. Jose Geerman a ser nombrá como miembro di Staten di Antillas Hulandes a ser poní na Oficina di Censo (Bevolkingsregister) John Emanstraat 39, na disposicion di un y tur cu ta desea di tuma nota di su contenido.

Presidente di Oficina Central Electoral ariba mencioná Aruba, 10 di februarí di 1964.

Pa medio di esaki nos kier expresa nos mas sincero gratitud pa e simpatia demostrada durante e enfermedad, fallecimiento y entierro di nos querido tata y suegro,

JACOB BONIFACIO LACLE

Un palabra especial di gratitud ta bai pa dr. R. Guda, zr. Ewalda di Wit Gele Kruis y Pastoor N. Erkamp.

Familia Miguel Lacle-Wild
Familia Felix Garrido-Lacle
Sra. Viuda Emma Wolter-Lacle
Familia Jan Lacle-Croes
Familia Henry Pietersz-Lacle
Familia Winston Nisbet-Lacle
Familia Jacobo Lacle-Romero
Familia Jossy de Cuba-Lacle
Familia Mario Lacle-Romero.

dor no ta conoci ainda.

Kiko ta deber di e Comité Olimpico di Antiyas den un caso manera esaki? Sigi cu man cruza y laga e bondnan curazolenjo haci loke nan ta haja bon???

AMICAL A WORDE ESTABLECI

Oranjestad, 14 Febr. - Ultimamente gobernador a aproba e establecimiento di organizacion di ex alumnonan di La Salle-school na Oranjestad, "Amical

Union Ex Alumnos Las Sallistas" E organizacion aki cual a worde funda ariba dia nuebe di december 1962, segun su Statuton no tin como doel unicamente tene reunionnan social y cultural pero principalmente yuda den e formamento y desaroyo di hubentud di Aruba. Esaki nan kier logra door di yuda muchanan cu no tin medio pa esaki, en todo caso bishita schoolnan pa sigui un educacion cristiano.

Asina aki e organizacion aki lo duna gran yudanza na e organizacion di Jeugdcentrale La Salle na Aruba.



K.O. na ocasion anniversario di Radio Kelkboom

Oranjestad, 14 Febr. - En coleccion cu e celebracion di e di diez aniversario di Radio Kelkboom PJA-5 cu dia binti di maart venidero directiva a pone na disposicion di Aruba Voetbalbond un copa pa ser hunga entre e teamnan di futbol.

E knockout aki lo tuma lugar di uno, binti dos, y binti tres di maart venidero den Wilhelminastadion.

Aruba Voetbalbond a organisa e siguiente seleccion consistiendo di e siguiente teamnan.

Noord, Bulabi, Jong Aruba y Tropical, Oranjestad, R.C.A. Dakota, Aruba Jrs, Riverplate y Juventud Millonarios Santa Cruz Santa Fe, SCA, Britania, Matividre, Vitesse, Sport Boys, Trappers, Estrelay Lucky Stars. San INicolas: La Fama, San Nicolas Jrs., Jong San Nicolas y Trupial.

Entregamento di e copa lo tuma lugar dia binti tres di maart.

E copa ta na exposicion na studio di Radio Kelkboom na Oranjestad.

Provision di awa na Guantanamo

WASHINGTON, 15 Feb. - Marina Mericano a anuncia di a encarga Westinghouse, di lanta den seis luna di tempu na base Mericano di Marina na Cuba Guantanamo, un fabrica cu lo meste destilla awa di laman. Ademas Marina Mericano kier laga fabrica reservoironan nobo pa awa di bebe, cu ta di awa di llobo.

Entrada di bapornan den hafnan di Aruba

Oranjestad, 15 Febr. - E entrada di botonan cu loads den haafnan di Aruba na luna di januari ultimo a keda mescos, compara cu e mes un luna anja pasa, pero si e tonelada a aumenta cu cien mil bruto ton. E siguiente lista ta duna un idea di e aumentacion:

Januari	1963
180 tankero	3.105.355 BRT

64 otro bapornan	265.313 BRT
2 barco di draga	3.660 BRT
2 barco di bela	119 BRT
248 Total	3.374.447 BRT

Januari	1964
181 tankero	3.052.137 BRT
66 otro bapornan	402.604 BRT
1 barco di bela	59 BRT
248 total	3.454.900 BRT

PRESUPUESTO INGLES PA DEFENSA

LONDEN, 15 Feb. - Pe anja di presupuesto 1964-65 nan a saca pa defensa Britanico un suma di casi 10 Millard Florin contra mas di 9 millard Florin pa 1963/1964, cu a worde publica.

E puesto mas importante ta esun di marina cu un presupuesto cu ta mas cu 280 Millard Florin cu den e anterlor anja di presupuesto. E aumento ta principalmente causa pa eliminacion di programa Polaris.

Den futuro e cabesnan di atoom pa raketnan Polaris Britanico lo wordu fabrica y lo ta exclusivamente bow di gobernacion di gobierno Britanico. Segun e comunicado. Observadornan ta di opinion cu na composicion dje documento aki nan a tene seramente cuenta cu e venidero eleccion general. Den e programa militar di Gran Britania pa anja 1964/65 nan ta acentua e deseo firme di gobierno, pa proteha su independencia nuclear.

Nan ta spera cu defensa Britanico, ey en principal e kestion di un propio forza nuclear independiente, lo ta uno dje temanan di

mas importante den e campanja di eleccion, manera a resulta fol discursonan recien dje prome minister Britanico. Gobierno Britanico tambe tin idea, pa cambia avionnan di bombardeo; completamente pa submarinonan pa raketnan Polaris, cual raketnan segun conosi lo worde entregapa Merca, pero cu lo hanja cabes di atoom fabrica na Gran Britania.

Tambe nan ta stipula e idea di participa na un prueba cu un forza nuclear multilateral, consistiendo di un bapor Mericano cu tripulacion mescla.

E prome submarino Polaris di Gran Britanico lo tapausona mas o menos medio 1968. Despues lo tin tres otro mas y na 1970 Gran Britania lo dispone di 4 submarino Polaris. Dene rapport tapara cu Gran Britania actualmente tin asina tantu material hendible den su poder pa por sostene su forza nuclear independiente y pa cumpli cu tur exigencianan riba terreno di defensa den futuro.

Castigo di prison pa botter whisky

ORANJESTAD, 15 febr. - Dos hoben, respectivamente E.C. di binti aña y A.G. di binti un aña, diablerne ultimo mester a presenta dilanti di huez J. van Koot pa motibu di hortamento di botter di whiskey den un supermercado na Oranjestad.

E promer di nan cu a presenta dilanti e mesa berde pa tende su acusacion y sentencia tabata E.C. un hoben masha largo pa su edad kende no ta pa di promer biaha e ta bin den coleccion cu husticia pa motibu di e delito pa cual e mester a presenta dilanti huez diablerna ultimo.

Dia promer di februari e hunto cu su amigo A.G. a drenta un supermercado na Oranjestad, caminda nan a bai haci algun compras. Segun e hoben E.C. su propio declaracion, e y su amigo tur dos a drenta e supermercado cu e intencion di sali cu un botter di whiskey. Esaki a tuma lugar completamente segun plan. Despues di a caba di locual nan tabata mester, nan a sconde un botter di whiskey bao di nan camisa. E hoben E.C. a worde atrapa na e momento cu el a pasa e cahero, mientras cu su "compañero" A.G. tabata paden ainda, y asina cu el a tende cu nan a gara su amigo el a laga e botter cu e tabatin den su camisa baha den su caroshi. Pero su amigo a rede asina cu tur dos a worde deteni pa robo di whiskey. Den su pidimento fiscal, ofocier di husticia S.H. Tjong a bisa cu e hoben E.C. ta un mucha homber, kende tin como hobby camna arriba calla den Oranjestad y San Nicolas. Ofocier a pidi un luna di prison pa E.C. y dos luna di prison pa A.G., mientras cu nan tin di worde carcela inmediatamente.

Huez Van Koot a hanja e caso serio, como cu segun el a bisa, ora cu bo drenta tal sorto di

tiendanan ta un cuestion di confianza cu bo por haci esaki y ta hopi hende ta abusa di e confianza aki pesel esun cu worde hanja ta worde castiga pisa. E hoben E.C. el a worde castiga pa un luna di prison, mientras cu su compañero A.G. a hanja seis siman como cu e ta mas bieuw, tur dos a worde carcela inmediatamente.

PROCESO CONTRA LIDER DI MAFIA

PALERMO, 15 Feb. - Na Caltanissetta na Sicilia a cuminsa un proceso contra Genco Russo donjo di terreno di quende ta ser bisa cu e ta lider dje organisacion criminalista di Mafia.

Segun acta di acusacion Russo tabatin relacion cu miembronan di Mafia, cu ta ser busca pa motibu di a comete violencia. Entre su relacionnan tin tambelidernan Mericano di Mafia. Segun opinion

Het nieuwe **TE ZWAAR?** 8 uur koffie dieet neemt ponden extra gewicht weg van grote eters

Grote eters met een normale gezondheid kunnen nu 10 tot 30 pond en meer afvallen en toch blijven genieten van flinke maaltijden en lekker eten... dank zij het fantastische nieuwe **LARSON'S KOFFIE VERMAGER DIEET**.

Slechts eenmaal per dag „dieet“, ul Gebruik uw ontbijt, dineer, eet alles zoals u gewoon bent te eten. Dan inplaats van uw lunch neemt u Larson's G.R.D. (coffee reducing diet) in koffie thee melk of een vruchtendrank, dat is alles.

Nieuwe manier om slanker te worden

Geen calorieën tellen, geen gevaarlijke vermageringspillen, geen oefeningen, geen massage. En toch smelten niet alleen ponden en centimeters van die afschuwelijke dikte weg, doch wat belangrijker is, vetrolletjes verdwijnen op de juiste plaatsen over het gehele lichaam. Al vlug kunt u merken hoeveel gewicht er verdwenen is van kin hals armen benen maag en dijben.

Grote eters kunnen nu snel vermageren

Zelfs als u een grote eter bent, en van veel en lekker eten houdt, kunt u toch met Larson's C.R.D. beginnen. Automatisch verdwijnen die duizenden dikmakende calorieën. U krijgt meer energie en uw gewicht vermindert snel. U bent weer slank en toch niet ondervoed. Dit is nu dat „8 uur“, vermageringsplan waarvan u gehoord en waarover u gelezen heeft. Het is de nieuwe gemakkelijke manier om te vermageren, zonder calorieën te tellen!

Bij geen resultaat krijgt u uw geld terug

7 1/2 oz. pot kost slechts f. 11,25



Haal vandaag nog Larson's C.R.D.

Neem vandaag nog Larson's C.R.D., het complete koffie dieet in huis. Deze volmaakte energie formula is eenvoudig en gemakkelijk te gebruiken, doe slechts een lepelje in uw koffie. 's Morgens en 's avonds in uw koffie ingenomen, geeft het u meer pep en energie. Larson's C.R.D. kan gebruikt worden in koffie thee fruit juice afgeroemde melk water bouillon en andere dranken. Volledige gebruiksaanwijzing in de verpakking.

Distributors:

CURACAO COMMERCIAL CO.
Curacao tel. 24054

ARUBA: BEAUMEDICAL „3344
Aruba tel. 3344.

Verkrijgbaar in alle botica's en betere zaken.

di autoridadnan e relacionnan aki ta muestra riba suficiente relacion entre Russo y organisacion criminalista. Algun corantnan Communista y Socialistta a revelacionan di Intriga di Russo na prodeduranan di despropiasion y transaccionan di terreno. Tambe nan a anuncia lasonan amistoso di Russo cu cierto figuranten promimente cu ta protehele. Un burgemeester Christian Democraat a organisa un peticion den cua e ta

pld liberacion di Russo y cu a hanja na Sicilia 25000 firma. E secretariado dje partido Christian Democraat a laga investiga e asuntu aki.

INVESTIGACION NA PANAMA

BALUCA 15 Feb. - E comision dje organisacion di estadonan Mericano a haci su prome bishita na zona di Canal di Panama despues

di a haci prome un bishita corticu ne gobernador Robert Fleming. Na Ciudad de Panama prome cu e bishita aki nan a bishita dos stacion Panamenjo di television, caminda nan a mira pelliculan, cu tabatin conio fin pa appoya acusacionnan Panamenjo contra Merca.

Awe mainta nan lo huelga den capital di Panama durante un cuarto di ora como un demostracion publico.



Bathing Suit
by JANTZEN

RIP KIRBY

pa cortesia di:

JAN BODEGOM & CO (ARUBA) N.V.

Agent, exclusivo di FRIESCHE VLAG lechl evaporado y lechl en polvo MAXWELL HOUSE KOFFIE.



HOROSCOPO PERSONAL

ARIES 21 maart-20 april

Bo por spera cu awe lo ta un dia yen di actividad ariba diferente tereno, pesel pone tino no haci ecibocacion. Trata di no tin pleito of malcomprende-mento awe tardi y especialmente awe nochi.

TAURUS 21 april-21 mei

Bo actuacion en cuestion cu propiedad y financia majoria parti ta bon., pero awe tin oportunidad cu bo por haci eronan, -causando asina perdida. Controla bon loke bo ta haci.

GEMINI 22 mei-21 juni

Bo por logra hopi awe door di un muestra di socialidad. No camna haci redashi of molestia otro awe cu bo papiamento ariba otro personanan cu merece bo respet y di cual bo tin mester di yudanza un dia.

CANCER 22 juni-23 juli

Awe bo por logra mas door di tene bo mes poco isola y termina trabao cu ya basta tempo a para keto.

LEO 24 juli-23 agosto

Lo bo tin hopi realacion cu amigonan y hendenan cu bo ta stima, pero bo mester tene cuidao, e hendenan aki por costabo hopi gasto y hasta perdida. No fia ningun hende nada awe y no laga nan forzabo pa haci algo cu ta irresponsabel.

VIRGO 24 agosto-23 sept.

Termina na tempo cu asunto- nan importante y percurapa merdia bo ta liber di tur cusion- tion comercial. Awe probablemente lo bo hanja un ganashi chiquito di placa.

LIBRA 24 sep-23 oktober

Awe lo ta facil pa yega na un combenio cu otronan. E dia favorable pa bo haci biaha of bishita ta awe, pero no bishitanan di famia. Esaki por resulta menos agradabel.

SCORPIO 24 okt-22 nov.

Awe tambe un bon dia pa cooperacion cu otro ariba tereno di placa y trabao. Corda bon cu belasting y debenan tin di worde regla, sino bo ta corre riesgo di hañabo den dificultad- nan.

Pa talisman, Perfume, Incensio Perfume pa banja y laba cas, tambe bela di tur color, acudi na

„NICOLAAS STORE,,

Tel. 5385 - San Nicolas.

SAGITTARIUS 23 nov.-21 dec.

Cu cooperacion bo por logra mucho mas cu publico en general, pero no kere cu lo bo tin preferencia caminda cu esaki ta reserva pa otro. Percura pa bo no tin pleito awe merdia.

CAPRICORNIUS 22 dec.-20 jan.

Bo no tin nodi di preocupa bo mucho tocante di yudanza necesario of assistencia. Tene cuidao cu redashi y pleito cu bishita y conocirnan awe nochi.

AQUARIUS 21 jan.-19 febr. E dia aki ta muestra di lo ta sumamente favorable pa bo den cuestion di amor, especialmente diversion. Tene bon cuenta cu bo propiedadnan pa bo no perde esaki facilmente.

PISCIS 20 febr.-20 maart Un dia favorable pa bo trabao di cas y interesnan familiar. Percura pa bo no hañabo involvi awe nochi den asunto- nan di redashi y pleitamentu traha plan- nan pa contacto social pa e- weekend aki.

CISCO KID

pa cortesia di:

ARUBA BOTTLING COMPANY

NESBITTS den varios sabor, e refrescan mas pidi y mas gusta na Aruba.



BUCHI ROBEZ

pa cortesia di:

PIET'S SODA FOUNTAIN

Tel. 2123

E mihor adres pa snacks, tur clase di dushi, softdrinks, ice-cream y revistas.



PEPITA

pa cortesia di

OFICINA MARITIMA DE ARUBA

TRANSPORTACION DI MERCANCIA Y MUDANZA TEL: 2664/1622.



DICK TRACEY,

